

Bèlle sò!

L'ha mann't Peppe Nesta
mercoledì 03 dicembre 2008
Ultimo aggiornamento giovedì 04 dicembre 2008

Signò pigghije cà sò bbèlle!

Seee … tù sì bbèlle, none stè pùmmadore fràdece!

Beh … tànde p’accumenzà nò ssò fràdece! ... Eppò a n’èure cè càvule vè trùvanne …

Jè ca vòche de pèrse cà ci nò … stònne le cùmbare tùve ca tènene le pùmmadore bbùene!

E ci sò? … cùmbare mije pò …

Sine nà … chijdde ca stònne addà rrète, vicine àù pùrtocate.

Apposte, … và, … và vvide quande còstene addà le pùmmadore … mannàgghije alla mesèrie … chijdde sine cà sè fàcene le tùrnise … le tènene bbèlle pùlezzate, le shkàffene tòtte le sère ijndre alle frègurefere … chijste cà sò pùmmadore òreggenale, sùle piccè sò nù picca picche ‘nzèvate …

Piccè ce stònne pùre le pùmmadore de còndrabbànde mò?

Cè ‘ngèndre … chijste sò pùmmadore delle Càggiune, addà angòre crèscene bùene e spùntanee … senza nijnde de àrtefaciale!

Seeeee … siii … nà vòte! … ca pròpre addàje stè ‘a diòssine … le Càggiune stònne pròpre àzzecca all’itassidèrr!

E ‘mbècie nòne! … stè vvide ca mànghe tùne sì ‘nfirmate … pròpre ‘a rròbbe ca nàsce addaje j pùra! … l’itassidèrr stè pùsezzionate ijndre ‘a nà pùsezzione stratèggeche, … quanne mène ù vijnde dè càlavrese, cà quanne mène ù vijnde dè tràmundane, le Càggiune se tròvene fòre dalle direzzione e appùsetivamende rùmanene prùtette!

Naaa … appùsetive tütte le ‘nguina mende àrrive àprime sùse alle Tammòrre e pò pùre fine alle Trè Carràre! … stè figghijeme ca dice cà nònge pò tenè spannùte le rròbbe de nòtte ca dice cà … …

Uè ù mè … me n’à fà nù kile pèppiacere … ma sò bbùene ste pùmmadore?

Naaa … ma cè v’àvite messe d’accòrde cù me fàcite arrabià stàmmatine? … ecceccò’è … ca nò sse vède cà jè sùle fetenzije dè tèrre?! … tèrre delle Càggiune nuestre!

Delle Càggiune so? … allòre stàme bbùene! … mò jè secùre ca pigghijame pùre à diòssine e ù selecòne!

Aaaaaa nò! … n’òtre n’assùte mò? … d’addò te nè stè ijsse mò cù ù selecòne … e cè ssò dè gòmme le pùmmadore mije!? …

Nòne cà sò dè selecòne le pùmmadore … tènene ijndre nù pòche dè selecòne!

Stè sijnde ‘a signore? … ù decève ije …

Appòste! … tenite ràggione tütte e ddòje … mò cè ssò ca hama ffà? … mò jè ca haghija cangia ù càrtelle àqqu haghija screvere sùse “PÙMMADORE BÓSTIKK” … accùssi pigghijene prizze, …

Madò accòme stè nervùse maè, … je nùrmale ca n’hama pigghijà paùre, cù tòtte le còse cà se sèndene òsce!

Troppa tilivisione uàrdate vùje! …

Vabbeh và … fàmme stù kile e fàmmene scè!

E tù signò … quànde te ne fàzze ‘a ssìgnurije?

Pùre a mè fà nù kile … ‘mbrèssa ‘mbrèsse ca vòche de pèrse!

Beh mò fàmme fà aquàje e pò fàzze a tè … vè de pèrse però attaccche bbuttone cù nijnde …

Appòste signò … a tè nù kile abbundànde … n’eure e pàsse ‘a paùre!

A tè signò ‘mbècie te fàzze quàse dò kile, … e mè dè sèmbre n’eure! … sì cùndende? …

Me sàpe ca ù cùndende sì tù … accùssi te le live da nànze sùbbete sùbbete stè pùmmedore!

Hagghije càpite tutte còse, e sè ce fàzze mò? … me stòche cijte cijte… ca cù vù fèmmene se pèrde ‘a càpe,
ù tijmbe e ‘a pàcenze! … cià signò cià, stàtte bbone!
……

Bbèlle sò le pùmmedore mijeeeeeeee … pùmmedore S NATÓGAAAAAAA